

vogtey ausserhalb derselben vesten von desselben meins gnedigen herren wegen vnd czu sein vnd sein erben hannden ausrichten verwesen vnd in allweg nach seinem besten vnd dem trewisten darInn handeln . sein frommen fürdern vnd seinen schaden wendden vnd alles das tûn sol vnd wil, das ain getrewr vogt vnd diener seinem herren schuldig vnd gepunden ist, an geuerde. Ich sol vnd wil auch die lewt so in die egenante vogtey gehörn bey Irn freyhaiten Rechten vnd guten gewonhaiten beleiben lassen. vnd Sy in allen Sachen vertreten vnd versprechen, als ainem vogt zûgehöret. vnd auch der herrschafft Velkirch Rechten Eehafften vnd herkomen vesticlichen halten vnd der nichts encziehen lassen nach meinem vermügen an geuerde. Vnd mir hat der obgenant mein gnediger herr zu der benanten vogtey zu Burkhût vnd Sold benennet fünfthahundert Reinisch guldein Jerlich ze geben, die mir sein Amhtman ze Velkirch von seinen wegen ausrichten sol . darczu die vischencz in der Ill vnd in dem Millang (s. XXXIV. 93. b.) auch in der frucz, vnd das hewwachs, das man nennet im Wur. vnd Ich sol mit der yeczgenanten Burkhût vnd Sold all Sachen, von des vorgeant meins gnedigen herren vnd der seinen wegen ze tügen vnd Taydingen, So sich in der Graffschaft vnd herrschafft velkirch begeben versprechen vnd dem vorsteen in meinen kösten vnd czerung vnd ân desselben meins gnedigen herren schaden . vnd wenn derselb mein gnediger herr oder ob er nicht wer nach Im sein Vetter Herczog Sigmunde den er Innhat auch mein gnediger herrn oder Ir erben die vorgeante vesten vnd vogtey, an mich oder mein Sun wolffharten von Brannandes ob Ich geuangen oder mit tod abgangen wêr oder vnser erben ob wir bed oder vnser ain nicht wêrn oder vnser diener, So die Inhieten ervordern mit Irn briueu oder vnder augen. daz wir In der dann abtretten vnd In oder wem Sy das an Ir stat emphelhen, die mit allem czeug vnd varender hab so In czugehöret vnd uns ingeben vnd empholhen wêr oder würd inantworten sullen vnd wellen an alles verziehen waigrung vnd widerred dhainerlay Sachen, vnd ob Ich egenanter Wolfhart von Brannandes der Elter mit tod abgieng dieweil Ich die vorgeant vesten vnd vogtey Innhiet, So sol der obgenant wolfhart mein Sun ob er in leben wêr oder unsre erben den oftgenanten vn-